

第一編

賈貴榮 駢宇騫 編

5

地方志災異
資料叢刊



第一編

賈貴榮 駢字騫編

地方志災異
資料叢刊 5



國家圖書館出版社

第五冊目錄

(乾隆)河間府新志·····	一
(乾隆)河間縣志·····	四七
(民國)滄縣志·····	八五
(康熙)鹽山縣志·····	一七一
(民國)鹽山新志·····	一八一
(乾隆)肅寧縣志·····	一九五
(康熙)吳橋縣志·····	二〇五
(乾隆)衡水縣志·····	二三一
(光緒)東光縣志·····	二四九

(民國)交河縣志·····	二九三
(康熙)青縣志·····	三一七
(民國)青縣志·····	三二五
(雍正)阜城縣志·····	三五五
(民國)南皮縣志·····	三六七
(乾隆)任邱縣志·····	三九一
(道光)任邱縣志續編·····	四一七
(康熙)獻縣志·····	四二一
(民國)獻縣志·····	四三一

(民國)景縣志·····	四五
(嘉慶)棗強縣志·····	五二三
(同治)棗強縣志補正·····	五三五
(康熙)安平縣志·····	五四一

(道光)武強縣志重修·····	五五一
(同治)武邑縣志·····	五七三
(光緒)續修故城縣志·····	五八一

(清)杜甲 周嘉露 修 (清)黃文蓮 胡天游 纂

(乾隆)河間府新志

清乾隆二十五年(一七六〇)刻本

紀事

郡所有事紀以待考畧備於古今

春秋

魯昭公六年冬齊侯伐北燕七年春王正月暨燕平
左傳六年十二月齊侯伐北燕將納簡公七年正
月癸巳齊侯次於號燕人行成二月戊午盟於濡
上杜征南注云濡水出高陽縣東北至河間鄭縣
入易水

按孔穎達云今高陽無此水不知杜何據而云
然今以水經注求之濡水出固安縣窮獨山至

容城縣大利亭東南合易水又曰南濡北易蓋
二水上源時分時合至此則合不分故下但言
易水無濡水矣酈元又云易水與諸水互攝通
稱則知杜所言濡水者卽易水自戰國蘇秦言
燕有易水而濡水之名遂隱穎達或未之思耳
水經注又謂易水至鄭縣故城北則與征南至
河間鄭縣論同古今地理釋濡水在號西二十
六里故次號而盟於濡

戰國

秦惠王時張儀爲秦說趙連橫趙割河間以事秦

按割河間者特以河間地爲秦邑所謂奉冠帶
祀春秋者也

秦文信侯欲攻趙以廣河間甘羅爲文信侯說趙王
曰燕秦所以不相欺者無異故欲攻趙而廣河間
也今王齎臣五城以廣河間秦願與強趙伐弱燕
趙王立割五城以廣河間秦果與趙攻燕得上谷
三十六城

秦攻趙信陵君救趙秦兵却趙王以平原君之力益
之地而封以東武城

今故城

趙惠文王十五年與燕鄭易十九年燕與趙易土趙

以龍兌汾門與燕燕以葛武陽平舒與趙

按燕文公自薊遷於易今雄縣也乃燕所都鄭
又本燕地趙何自予燕哉或疑史記於此有脫
誤之文不然則太史公之失

漢

高祖既定天下命選能引關蹶張材力武猛者以爲
輕車騎士材官樓船常以秋講肄而渤海肄樓船
河間肄車騎

文帝二年始立河間國

景帝三年詔河間王太傅將河間兵擊吳楚反者

武帝時廣川國世宗廟殿上有鐘音門戶大開夜有
光殿上盡明

元帝永光五年冬河決靈鳴犢口

在阜城東南十八里

成帝令博士平當行流民幽州還上言渤海鹽池且
可勿禁以救民急

漢鴻嘉四年秋河水溢害渤海清河信都灌縣邑三
十敗官亭民舍四萬餘所

漢王莽末河北賊攻掠渤海郡縣

更始時光武爲大司馬徇河北拔廣阿特邯鄲王郎
方盛寇恂耿弇等皆願從光武乃共引兵擊殺之

斬王郎大將以下三萬級定涿中山鉅鹿清河河間凡二十二縣前及廣阿與光武相見

東漢章帝永光二年更置河間國

永康元年河北大水渤海盜詔賜州郡溺死者七歲以上錢人二千一家皆被害者官爲收殮是歲博陵河間比豐沛

桓帝延禧九年渤海妖賊蓋登稱太上皇帝有玉印鐵券相署置皆伏誅

靈帝起解犢館於河間

獻帝初平二年黃巾賊轉寇渤海公孫瓚與戰於東

光大破之

東漢末初平元年渤海太守袁紹起兵與冀州牧韓馥等共討董卓後紹與公孫瓚相攻紹以所佩渤海太守印綬授公孫範範叛紹以渤海兵助瓚

晉

泰始三年河間大風拔木

太康七年十一月河間有獸四角見於野獲之河間王顥以獻

咸寧二年八月河間暴風寒冰隕霜殺穀

大寧元年三月東光安陵縣災焚七千餘家死者萬

五千餘人

東晉元帝初樂陵太守邵續屯厭次綏懷流散趙領等率廣州渤海千餘家歸續續使部將進築河間以拒石勒

穆帝永和六年燕慕容雋狗冀州取章武河間地初渤海李堅仕石趙爲殿中督趙亡還鄉里擁部曲數千家慕容評狗渤海招之不降與戰擒之以爲樂陵太守

趙石勒以張夷臨深爲河間渤海太守各率兵三千以鎮亂

石虎建武四年河間諸郡大蝗司隸請罪守宰虎曰
此朕失政所致司隸不進讜言而妄陷無辜者乎
秦苻堅建元十八年正月河間郡大蝗有司請下郡
守廷尉治其討蝗不滅之罪堅曰災降自天非人
力所可除藺無罪也是歲蝗不爲災大熟

燕慕容氏時河間人李默聚衆數千攻掠州郡長樂
郡太守傅顏討斬之

北魏

正始元年邢巒以瀛冀諸州時多水旱上言請重粟
帛從之

神廟六年上問於高允曰何政爲先對曰臣小賤惟知農事若國家廣田積谷公私有備則饑寒不足憂矣時河北良田多爲魏主封禁故允及之乃命悉除禁以予百姓

熙平元年夏四月戊戌以瀛州民饑開倉賑恤
熙平中有妖僧聚衆於冀州自稱大乘相率攻瀛州
刺史宇文福討平之

永安元年河間人邢杲帥河北流人十餘萬攻迫州
郡二年上黨王天穆與齊獻王討平之

舊志宦蹟載元雋爲瀛州刺史邢杲帥衆逼州

雋不安州人乞崔光韶爲長史以鎮之光韶臨
機處分在難確然云云考北史元雋實爲青州
刺史光韶之鎮亂乃青州事也故并刪之

正光二年葛榮破滄州攻瀛州衆號百萬爾朱榮擊
破之降其衆冀定滄瀛皆平

孝明帝武泰元年正月杜洛周陷定州遂至瀛州州
刺史元寧以城降賊

魏末幽州行臺劉靈助與盧文偉同謀起兵靈助克
瀛州以文偉行州事已引而西魏都督侯淵討殺
之瀛州復平